

# Է

## Վեհապատիւ և Գերյարգոյ ձորդ արքայի Ստեփաննոս վրդպ.ի բազում սիրով ողջոյն և խոնարհական համբոյր աջոյն

Յայտ լիցի գերյարգութեանդ, զի ի վաղուց հետէ ըզձայի յղև առ գերյարգութիւնդ զգիր մի ողջունի: Սակայն գտով ի բազմազիմի զբազմանց ի միջի և պէսպէս դեզե-  
րանաց՝ վասն այնորիկ անկարացայ բերել ի լրութիւն զիդ՝ սրտի իմոյ: Եւ ահա առ  
այժմ վերին յաջողութեամբ դէպ եղև մեզ այսու գրով ի յայտ մատուցանել նաև արտա-  
քուստ զսրտի մտօք շնորհսն, զոր ունիմք առ ազնութիւն այսքանեաց բարերարութեանց  
և երախտեաց Մխիթարեան վանաց. թէպէտ բովանդակ ազգ մեր արամեան պարտական  
է երախտագիտութեամբ աղօթս առ աստուած ուղերձել վասն սեպհական պտղոց բարեաց,  
զոր միշտ վայելէ ի բարեբեր և յարգաւանդ պարտիզէ յայդմանէ, սակայն այսու ամե-  
նայնիւ առաւել իմն և զիս համարիմ, ընդունելով զմասնաւոր ճաշակունի արգասեաց  
անուշից, և զայս հանապագ, անօթով ասեմ՝ ոչ ամաչեմ՝ ընտրութեան, պատուելի աս-  
տուածագեաց խոստովանահարբս իգնատիոսիւ, զորմէ լուայ, եթէ միւսանգամ հանդեր-  
ձեալ իցէ նահանջել ի վանսդ. և առ այն տրտմեցայ և տխրեցայ յոյժ յոյժ ոչ միայն  
ես, բայց և ազգս ողջոյն, որոց որչափ պտղաբերն իցէ, վկայեն ամենեքին. երանի թէ  
լինէին աստ քանի մի քահանայք ի վանացդ որպէս զհ. իգնատիոս խոհական բարեվարժ  
գորովագութ և յանձանձիչ: Զայս ասեմ և վասն օգտի և որ ի տէր պարծանաց վանացդ.  
Քանզի թէ ի տեղի այսորիկ աստուածարեալ անաչառ առանց ամօթոյ մշակիս կարօղ  
իցէ գերյարգութիւնդ առաքել աստ զսմին նման կենդանագիր արս, ստոյգ չունիմ ինչ  
ընդիմաբանել: Վասն Գերյարգութեանդ և ընդհանուր միանձանցդ հանապագօր աղօթս  
և պաղատանս առ քրիստոս աստուած մատուցանեմ բոլոր ընտանեօքս հանդերձ, որպէս  
և ես համօրէն ընդելեօքս հանդերձ մաղթեմ զարժանաւոր աղօթս գերյարգութեանդ և  
ամենայն առաքինաւէր միանձանցդ. յանձն արարեալ զիս և զիմայինս ամենայն արբա-  
յական օրհնութեանդ, մնամ ըստ ամենայնի պատրաստական

Գերյարգութեան քում

Յամի տեառն 1767  
փետր. 7  
ի կոստանդնուպոլիս

Նուստ ծառայ  
Միքայէլ Տիւօղլեան

## ՄԿԹ.

Պէսպէս հետաքրքրական դէպքեր կը պատմուին այս թուղթին մէջ: Ահա ինչ է  
թուրք աղբիւսահաւաքին եղեռնալից արարըը, ինչպէս նաև յանդգնութիւնը ինքնա-  
կոչ և կեղծ «քաւալիկ» յի մը՝ Պոլսոյ սպանիական Գիսպանատան և այլ մեծամեծաց  
մօտ ըրած չարաշահութիւններուն համար:

### Վերապատիւ տեառն տեառն Ստեփաննոս վարդապետի Արքայ ձոր մերոյ ողջոյն աջաձամբոյր

... Յաւուրս պայրամի տաճկաց, չէօփճի մի տաճիկ մտեալ ի սովորական տուն մի  
տաճկի բառնալ զաղբիւս, և ետես մանուկ մի փոքրիկ ի գաւիթ տանն զարդարեալ ոսկով  
և մարգարտով և հայեցեալ այսր անդր և ահա ոչ ոք էր որ տեսանէր, յանկարծ ուրեմն